



**Inatsisartunut ilaasortaq
Peter Olsen
Inuit Ataqtigiit**

Brevdato: 27/12-2019
Sags nr. 2019 -26959
P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl

**Isertitakitsut ineqarnermullu tapiissutit illugit § 37 naapertorlugu apeqqummut
nr. 2019-360-imut akissut**

www.naalakkersuisut.gl

Asasara Peter Olsen

Isertitakitsut ineqarnermullu tapiissutit pillugit apeqqutinnut qujanaq.

1. **Kisimiittumut ukiumut 150.000,- tungaanut isertitaqartartumut aammalu aappariinnut imaluunniit kisimiittumut 18-it inorlugit meeralimmut katillugu ukiumut 250.000,- nik tungaanut isertitaqartunut 65%-mik ineqarnermut tapiissutinik tapiiffigineqartalissagaluarpata, tamanna nunatta karsianut aningaarsartuutaanerulissava?**
 - a. **Aappiuppat taava tamanna nunatta karsianut qanoq aningaasartuutaanerulissava?**

Ineqarnermut tapiissutit inimik attartornermut akiliinermut tapiissusiisarput isertitat aalajangersimasumik annertussuseqalernerannit annikilliertortinneqartarput.

Taamaammallu assigiinngitsunik aallaaveqartumik inuit meeraqanngitsunut ukiumut 150.000 kr.-nik isertitaqartut, inuillu meerallit ukiumut 250.000 kr.-nik isertitaqartut ineqarnermik tapiissutinik 65 % -iinik tapiissutinik pissarsisinnaapput.

Nalimmassaariaatsimit ineqarnermut tapiissutip qanoq sukkatigisumik annikilliertortinneqarnera, kiisalu isertitat suut aallaavigalugit ineqarnermut tapiissutip annikilliertortinneqarnera toqqarneqarsinnaavoq.

2019-imi ineqarnermut tapiissutinut makku killigitinneqarput:

Isertitanik nalimmassaaneq maannakkorpiaq isertitat ima annertussuseqarneranni aallartittarpoq:

Kr. 60.476 inoqutigiinnut meeraqanngitsunut, maannakkorpiarlu isertitat kr. 196.190 annertussuseqalerneranni nunguttassaaq.

Kr. 25.198 inoqutigiinnut meeralinnut, maannakkorpiarlu isertitat kr. 417.198 annertussuseqaleraangata nunguttassaaq.

Inoqutigiit meeraqanngitsut tapiissutisisinnaanerup aallartiffianit kr. 1.000 isertitaasa annertuseriarneranni nammineq akiliutissaat 0,7 procentimik annertunerulersarpoq.

Inoqutigiinnut meeralinnut tapiissutisisinnaanerup aallartiffianit kr. 1.000 isertitaasa annertuseriarneranni nammineq akiliutaat 0,25 procentinik annertunerulersarpoq.

Annikilliarortitsineq allanngorpat

Isertitat akuttussusiini ineqarnermut tapiissutit 65 %-nngornissaat angujumallugu ineqarnermut tapiissutip qanoq sukkatigisumik annikilliarortinera kisiat allanngortikkaanni, taava makku killigineqalissapput:

- Inoqutigiit meerartaqanngitsut isertitanik annikilliarortitsinerup aallartinneranit kr. 1.000 annertuseriarneri tamaasa nammineq akiliutit 0,33 procentpointinik qaffattarput.
- Inoqutigiit meerartaqanngitsut isertitanik annikilliarortitsinerup aallartinneranit kr. 1.000 annertuseriarneri tamaasa nammineq akiliutit 0,144 procentpointinik qaffattarput.

Inuit meeraqanngitsut 345.000 kr.-nik isertitaqarneranni – taamatullu inuit meerartallit 700.000 kr.-nik isertitaqalerneranni ineqarnermut tapiissuteqartoqartarunnaarnera tamatuma nassataraa.

Tamaattoqarnerani Nunatta Karsia *maanna* pissarsisartunut ukiumut 30 mio. kr.-nik aningaasartuuteqalissaaq.

Tamatuma saniatigut iseritaqatigiiaat amerlanerusut ineqarnermut tapiissutisisinnaalernerat pissutigalugu allat tapiissutisisinnaalissapput. Killigititallu taakku atulissappata Nunatta Karsianut tamanna millionilinnik allanik naleqassaaq, taamaammallu aningaasartuutaasussat taakku aamma missingerneqartariaqassapput.

Anikilliarortitsiffik allanngortinneqassappat

Taamaallaalli qaqugukkut ineqarnermut tapiissutip annikilliarortinneqalertarnera nikisinneqarpat, tamanna ima kinguneqassaaq:

Inoqutigiinnut meerartaqanngitsut kr. 107.000 maannakkullu isertitat kr. 244.857 annertussuseqalernerani nunguttassaaq

Inoqutigiinnut meerartalinnut kr. 120.000 maannakkullu isertitat kr. 512.000 annertussuseqalerneranni nunguttassaaq.

Tamanna Nunatta Karsiata maanna ineqarnermut tapiissutinik pissarsisartunut 44 mio. kr.-nik aningaasartuuteqarneranik nassataqassaaq. Tamatuma saniatigut allat ineqarnermut tapiissutisalerneerisigut aningaasartuutit annikitsumik qaffariaateqassapput. Aningaasartuulli taanna ineqarnermut tapiissutisartut annikinnerusumik isertitatigut qummut killeqalernerisigut periutsimit siullermit annikinnerusaaq.

Periutsit marluk imminnut akuleriisinneqarsinnaanerata oqaatigineqassaaq, taamaaliornikkut tunniunneqartartut, kiisalu qaqugukkut ineqarnermut tapiusup annikilliartortinneqalersarnerata nikisinneqarlutik. Naatsorsuinerit kisitsisit 2018-meersut aallaavigalugit pipput. Taamanikkut 90 mio. kr.-t ineqarnermut tapiissutigineqarput, taamaalillunilu periutsit marluk tamarmik ineqarnermut tapiissutit tukkorerulernerannik, taamaalillunilu Nunatta Karsianut aningaasartuuteqarnerulernerimik kinguneqassapput.

2. Taamatut aaqqiisoqassagaluarpat;

a. Inatsisitigut suut aporfiussappat?

b. Allaffissornikkut suleriaatsikkullu suut aporfiussappat?

Taamaaliornissami ineqarnermut tapiissutit pillugit nalunaarutip politikikkut aalajangersaaffigineqarsinnaanera, kiisalu pitsanngoriaatissatut kissaatigineqartunut naapertuunnerusunngorlugu allanngortinneqarnissaa pisariaqassaaq. Tamatumalu saniatigut ilaatigut ineqarnermut tapiissutit nunguffigisaasa qummut illikartinneqarnera pissutigalugu amerlanerusut tapiissutisalerneerisigut Nunatta Karsiata aningaasartuutigilerumaagassaanik eqqornerusumik naatsorsuinissaaq pisariaqassaaq.

Maanna aningaasanut inatsimmi pineqartumut aningaasanik atugassaqaqqinnerna pissutigalugu allannguummut aningaasalersuutissanik nassaartoqartariaqassaaq. Ineqarnermut tapiissutinut aningaasartuutit namminersorlutik oqartussanit kommuninillu 60/40-mik agguarneqartarput.

Ilangaassiviup atuutilerneratigut ineqarnermut akiitsunitarneq ikiorsiivigineqassaaq, taamanikkussamummi inuit naammattunik isertitallit ineqarnermut akiliutinik ilangaanneqartarnerat nammineertumik pialissaaq.

Inussiarnersumik inuulluaqqusillunga

Vittus Qujaukitsoq